

¡BOMBA!

Tras atravesar gran charco, en tremenda inundación, que venga transformación del automóvil a barco



K'uintsil

Martes 25 de junio de 2024

CAMPECHE · YUCATÁN · QUINTANA ROO · AÑO 9 · NÚMERO 2262 · www.lajornadamaya.mx

Julian Assange, máax patjo'olt WikiLeaks, yaan u jets'ik u kuuch yéetel yaan u cha'ak'abta'al

Máax káaj u mola'ayil WikiLeaks, Julian Assange, tu jets'aj yaan u si'ipil yóok'lal kóonspirasyon tumen beey makt'anta'ab yéetel Departamento de Justicia ti' u noj lu'umil Estados Unidos, le beetike' yaan u cha'abal yéetel yaan xan u saasilkunsik bix kun jéets'el jump'éel ba'al úuch káajak u xak'alta'al bix kéen p'áatak, méek'tanta'ab tumen jejeláas noj lu'umo'ob, ts'o'oke' u nooye' tumen its'a'ab k'ajóoltbil ju'uno'ob bala'antak, ka'achij, je'el bix a'alabik ti' judisyaa' ju'uno'ob its'a'ab k'ajóoltbil tu yáak'abil le lunes máanika'.

Tukulta'an túune', Assange yaan u wa'atal tu táan u tribunalil Islas Marianas, jump'éel estadounidense chan kaaj te'el Pacífico Occidental, tu'ux ken u jets' yaan u kuuch yóok'lal kóonspirasyon, yóok'lal ba'ax ku ya'alik Ley de Espionaje, tumen yóok'lale' béeychaj u yantal ti', beyxan u k'i'itbesik, kex ma' unaj ka'ache', ju'uno'ob ma' najmal u k'i'itbesa'al ka'ach u ti'al u defensa nasyonal, a'alab

tumen Departamento de Justicia.

U jet'sik yaan u si'ipile', unaj xan u éejenta'al tumen juntúul juese', ku xulsik jump'éel penal kaasoo úuch káajsa'ak tumen u jal'achil Estados Unidos yóok'ol juntúul éeditor ku meyaj ti' jump'éel kúuchil Internet ti'al u k'i'itbesik xmukulo'ob, le beetike' yanchaj máaxo'obe' uts u paktiko'ob tumen chéen tu beetaj ba'ax ku beetik juntúul péeriodistáa úuchik u ts'áak k'ajóoltbil ba'axo'ob ma' uts u beeta'al tumen estadounidense aijk'atuno'obi'.

Kúulpach ti' lelo', máaxo'ob ku xaak'ale' ku ya'ako'ob mantats'e', ba'ax tu beetaj bine' máan yóok'ol a'almaajt'aano'ob jets'a'an ti'al u kaláanta'al ba'alo'ob ma' unaj u yojéelta'ali, ts'o'oke' sajbe'entsil tu p'ataj u tojbe'enil tuláakal le noj lu'umo'.

Táan u páa'tal ka suunak Assange tu noj lu'umil Australia, kéen ts'o'okok u déeklarar yéetel u je'ets'el u si'ipil; tukulta'ane' yaan u yúuchul tu ja'atskabil miércoles, tu yoorail Saipan, u asab nojoch petenil Islas Marianas.

Ts'íib yéetel oochel Ap